

ARAUDIA

DONIBANE LOHITZUN - HONDARRIBIA LASTERKETA ERDI MARATOIA 2022

1. artikulua. Probaren izena.

Hondarribiko **HONDARRIBIA KIROL TALDEA** eta Donibane Lohizuneko **UR JOKO** kirol eta kultur elkarteek **DONIBANE LOHIZUNE – HONDARRIBIA KLASIKA LASTERKETA**-probaren **XXIII.** edizioa antolatzen dute **2022ko urriaren 23ean, goizeko 10:00etan**, naziotasun guztietako gizon zein emakumeentzat. Nazioarteko Federazioaren arauen arabera neurtu ostean, ibilbideak ofizialki **DONIBANE LOHITZUN - HONDARRIBIA LASTERKETA ERDI MARATOIA** izena hartu du.

2. artikulua. Ibilbidea.

Lasterketa errepidean egingo da eta **hogeita bat kilometro ta laurogoita hamazazpi metroko luzera** (21,097km) izango du. Honakoa izango da ibilbidea*: Donibane Lohizuneko Marechal Foch plazan irteera, Ch de Gaulle zubia; Ziburun Maurice Ravel kalea, Pierre Benoit etorbidea, Erlaitzako errepidea (Corniche, Urruña), Hendaia, Itxas etorbidea, Txingudiko Badiaren etorbidea, De Gaulle generalaren etorbidea, Hendaiaiko geltokia, Irungo Nazioarteko Zubia, Iparraldeko hiribidea, Kolon pasealekua, Hondarribia kalea, Mendelu kalea, Amutalde, Aireportuko errepidea, Minasoroeta kalea, Kale Nagusia, Azken honetan egongo da **HELMUGA, HONDARRIBIAN.**

*herriko etxeak eta departamendua baimena ofizialak konfirmatuko dituzten ibilbidea aztertzen ari dira

3. artikulua. Denbora-kontrola.

Ibilbidea egiteko gehienezko denbora 2 ordu eta 45 minutukoa izango da. Tarteko bi kontrolgune izango dira, bata 10. kilometroan, gehienez 1 ordu eta 20 minutuan igaro beharko dena, eta 15.ean bestea, gehienez 2 orduan gainditu beharko dena. Ez betetzekotan, korrikalariak lasterketa utzi egin beharko du. Nahi izanez gero, "*erratz auto*" delakoan sartu ahal izango du. Halakorik egin ezean, antolakuntzak ez du segurtasunaren ardurarik izango.

4. artikulua. Izen ematea, egutegia, dortsala eskuratzea eta baliogabetzeak.

Parte-hartzaile orok **dorsal egiaztagarri ofiziala** eraman beharko du soinean. Dorsala **www.donibane-hondarribia.com/eu/izen-emateak** atarian izena emanda lortu daiteke, beharrezko ordainketa eginda.

Azpimarratzen dugu, Frantses Atletismo Federakuntza araudiaren arabera, korrikalari bakoitzak, bere izen emana beteko duelarik mediku-ziurtagiri eguneratua edo une horretan iraungi gabe dagoen kirol-baimena aurkeztu behar duela.

Gogoratzen dugu ere, proba hortan, parte hartzeko derrigorrezkoa dela 18 urte ukatea berantetik probaren bezperan.

Honako izen emate egutegia eta prezioak ezarri dira:

- Izen emate aurreratua 2022/07/15etik 2022/08/31ra, 35€. Deneri idekia izango da izen ematea eta gehienik 1.000 dortsal salduko dira denbora tarte hortan. Kopuru hori pasatuta, ohiko izen emateko preziora pasatuko da
- Ohiko izen ematea 2022/09/01tik 2022/09/30era, 45€
- Azken minutuko izen ematea 2022/10/01etik 2022/10/09era, 50€

Gehienez 2999 parte-hartzaile izango dira.

Irailaren 14a baino lehen izen ematen duten lasterkariak galdetu ahalko dute etxean jasotzea dortsala (5€ko opzioa).

Lasterkari bakoitzak, dortsala eta txip egiaztagarriarekin batera, probaren kamiseta oroigarria jasoko du.

Gogorarazten dugu, araudiaren arabera, dortsala jasotzeko mediku-ziurtagiri eguneratua edo une horretan irautsi gabe dagoen kirol-baimena aurkeztu behar dutela.

Izen ematea baliogabetzea.

Lasterkaria probaren egunean irteeran egotea galarazten duen osasun-kontu, lesio edo bestelako arrazoi larriren bat tarteko bakarrik baliogabetu ahal izango du izen ematea, eta orduan bakarrik baliogabetuko da partzialki haren zenbatekoa.

Izen ematea ezeztatzeko derrigorrezkoa da atxikitako inprimakia bete eta dagokion mediku-ziurtagiria eranstea. Ezeztatze-eskakizunak **2022ko abuztuaren 31era** arte bakarrik onartuko dira.

Izen ematean ordaindutako kopurua dena dela, itzuliko den zenbatekoa, gehienez 20 eurokoa izango da.

Jabetza aldaketak

Antolakuntzak ezarritako izen-emate sistemaren bitartez, jabetza aldaketak 2022/09/14era arte egin ditzakete parte hartzaileek

5. artikulua. Erantzukizun Zibileko Asegurua.

Antolakuntzak proba anulatzeko eskubidea dauka COVID 19aren inguruko osasun baldintzengatik edo bertze arazorengatik.

Antolakuntzaz kanpoko arrazoiengatik proba burutu ezingo balitz, antolakuntzak konpromiso hauek hartzen ditu bere gain:

PROBA IRAILAREN 1a BAINO LEHEN EZEZTATZEN BADA

Antolakuntza arduratuko da izen ematean ordaindutako zenbatekoa bere osotasunean 5 euro kenduta itzultzea, data horretarako izena eman duten korrikalari guztiei.

PROBA IRAILAREN 1aren ONDOREN EZEZTATZEN BADA

Antolakuntzak edizio honetako kamiseta bana bidaliko die korrikalariei beren bizilekura, abonatuak izan diren korrikalari bakoitzari 15 euro eta gastu adminiostratiboak kenduz.

Antolakuntzak, hornitzaileekin arazoak medio, edizio honetako kamisetak jasoko ez balitu izen ematean ordaindutako kantitatea itzuliko luke 5 euro kenduta.

Korrikalarien kopuru murrizketa :

Administrazioak behartzen badu antolakuntza korrikalarien kopurua murriztea, antolakuntzak eskubidea dauka proba anulatzea edo aldatzea lasterketaren eguna.

6. artikulua. Erantzukizun Zibileko Asegurua.

Antolakuntzak erantzukizun zibileko aseguruia izango du eta federatu gabeko korrikalari bakoitza haren babespean egongo da indarrean dagoen araudiak xedatutakoaren arabera.

7. artikulua. Sailkapena.

Proba ezarritako denbora-tartean amaitzen duten parte-hartzaile guztien sailkapena osatuko da.

8. artikulua. Dortsala nola jarri.

Dortsala **bularraldean jarri behar da**, zenbakia eta babeslearen izena ondo ikusteko moduan.

9. artikulua. Antolaketa, probaren garapena eta horitze puntuak.

Antolakuntzak eginahalak egingo ditu lasterketa moduz eta diziplinaz burutu dadin. Gaitutako lantaldea izango da proba zaintzen; GURUTZE GORRIA (SAMU) arduratuko da laguntza medikoa emateaz lasterketa osoan zehar. Laguntza-ibilgailu bat joango da lasterkariekin, sorospen-puntuak izango dira eta HELMUGAN laguntza medikorako eta masajerako gunea izango dira.

indarrean dagoen araudiak xedatutakoa betez **ibilbidean zehar hornitze likidorako postuak izango dira 5., 10.,15. eta 18,5. kilometroetan, eta helmugan (hornitze guneen kilometrajea zehaztuko da ibilbidea adostu eta gero)**

Proba uzten duten parte-hartzaileek, helmugara heltzeko garraio-bidea izango dute aukeran.

10. artikulua. Ekipajeentzako kontsigna.

Parte-hartzaileek arropa antolakuntzak atondutako ibilgailuetan utzi ahal izango dute. Irteeragunearen parean izango dira irteera eman baino ordu erdi lehenagora arte.

Zorroak ondo itxi behar dira, eta dortsaletik ebaki daitekeen zinta itsasgarriarekin izendatu.

Ekipajeak helmuga-eremuan antolatutako gunea batean jaso ahal izango dira. Ezingo da ekipajerik jaso dortsalik erakutsi gabe.

Kontsigna zerbitzua anulatzen ahal da proba egunaren osasun protokoloaren arabera

11. artikulua. Zintzotasuna eta kirol-legea.

Antolakuntzak parte-hartzaileen seriotasun eta kirol-legean sinesten du. Horiek kirolaren arauak errespetatu beharko dituzte, proba osorik egin norbere indarra soilik baliatuta. Debekaturik dago kanpoko edozein laguntza eta gainontzeko parte-hartzaileei traba edo kalte egin diezaiekeen oro. Honekin lotuta, antolakuntzak epaile ofizialak jarriko ditu, irteeran zein ibilbide osoan, arauak bete daitezzen bermatu eta errespetatzen ez dituztenen dortsalak jasotzeko.

12. artikulua. IRTEERAGUNEA

Donibane Lohizuneko irteeragunea hesien bitartez mugatuta egondo da. Parte-hartzaileek, beraz, atzeko aldetik heldu beharko dute bertara.

Irteerako guneak

Irteera gunea ezberdinak antolatuko dira parte-hartzaileen marken arabera:

- Lehentasun eremu edo gune bat azken bi urteetan gizonezkoen kategorian 1h20' baino gutxiago marka bat egiaztatzen dutenentzat, eta 1h40' baino gutxiagokoa emakumezkoetan.
- 1.gunea: 1h20'-1h39'59" arteko marka egitea aurreikusten duten lasterkariak
- 2.gunea: 1h40'-1h54'59" arteko marka egitea aurreikusten duten lasterkariak
- 3.gunea: 1h55'-2h09'59" arteko marka egitea aurreikusten duten lasterkariak
- 4.gunea: 2h10'-2h45' arteko marka egitea aurreikusten duten lasterkariak

13. artikulua. Sariak.

Sari-banaketa **HELMUGAN EGOKITUTAKO GUNEAN** egingo da, 12:00etatik aurrera, ondoko sailkapenaren arabera:

Gizonezkoen eta emakumezkoen sailkapen orokorra.

- 1º 300€ eta kirol ekipamendua.
- 2º 200€ eta kirol ekipamendua.
- 3º 100€ eta kirol ekipamendua.

Beste sari eta opariak.

- Opariak zozkatuko dira proba amaitzen dutenen artean.

Sariak sari-banaketa egitean jaso beharko dituzte irabazleek. 13:30ak bitarte izango da opariak jasotzeko astia. Sari eta opariak jaso ezean, antolakuntzak haiei uko egingo zaiela ulertuko du.

KATEGORIA

Sailkapen orokorra. Probako sailkapeneko postu errealari dagokiona.

14. artikulua. Araudia eguneratzea eta interpretatzea.

Epaimahaiak eta antolakuntza-batzordeak, egoerak hala eskatzen baldin badu, araudi hau moldatu edota haren inguruko neurriak hartzeko eskumena dute. Proban parte hartzeak araudi hau onartzea dakar. Aurreikusi gabeko ezer bada arauotan, Frantziako Atletismo Federazioaren edo Gipuzkoako Atletismo Federazioaren arauak hartuko dira erreferentziatzat..

15. artikulua. Dortsalak jasotzea.

Honako leku, data eta ordutegiak ezarri dira dortsala zein kontrol-txipak banatzeko:

- ▶ Etxean jasotzeko aukera irailaren 30etik urriaren 15era.
- ▶ Sardintegian – Quai du capitaine de vaisseau Pierre Renon – Donibane Lohitzun
 - Ostirala 21an : arratsaldeko 3etatik 7ak terdi arte
 - Larunbata 22an : goizeko 10etatik arratseko 7ak terdi arte
- ▶ **HONDARRIBIKO JOSTALDI PILOTALEKUAN** ondoko egunetan:
 - Urriaren 21an 19:00etatik 20:30ak arte.
 - Urriaren 22an 11:00etatik 13:30ak arte eta 15:00etatik 18:30ak arte.

Ezingo da dortsalik jaso antolakuntzak emandako egiaztagiririk gabe.

Ezingo da jaso dortsalarik lasterkaren egunean

16. artikulua. Debekuak eta mugak.

Debekaturik daude antolakuntzarenak ez diren bizikleta edo ibilgailu motordunak. Lasterketaren jarraipena egingo duten ibilgailu motordun eta bizikleta ofizialek identifikatzeko euskarria izango dute beti bistan.

Era berean, eta segurtasuna dela eta, **debekaturik dago helmugan izena eman gabe dauden adin txikikoekin sartzea**, parte hartzaileen segurtasuna ez ezik, txikiena ere arriskuan jarri bailiteke. Berau betetzen ez dutenak **kanporatuak izan daitezke**.

17. artikulua. Datu pertsonalak uztea.

Donibane Lohitzun - Hondarribia Lasterketa Erdi Maratoian izena ematean, parte-hartzaileek onespina ematen dute HONDARRIBIA KIROL TALDEA eta UR JOKO kultura eta kirol elkarteek, euren kasa edo hirugarren erakundeen bitartez, parte-hartzaileen datu pertsonalak automatikoki eta kirol-helburu zein promozional edo komertzialetarako erabil ditzaten. Datu Pertsonalen Babeserako abenduaren 13ko 15/1999 Lege Organikoak xedatzen duenarekin bat, parte-hartzaileak eskubidea du fitxategiotara sarbidea izan eta haien edukia, zati batean edo erabat, aldatu edo ezabatzen. Horretarako eskaera **info@donibane-hondarribia.com** posta elektronikoa egin beharko da. Halaber, proba denbora-mugarik gabe, ezein euskarriaren bitartez (Internet, publizitatea...) mundu osoari (lasterketako argazkiak, sailkapenak...) erakusteko kirol, promozio, banatze eta ustiatze interesekin bat, izena emandakoek antolakuntzari euren izen-abizenak, sailkapen orokorrean lortutako postua, kategoria, egindako kirol-marka eta irudia erreproduzitzeko eskubidea uzten diote berariaz.

18. artikulua. Araudiaren onarpena

Parte-hartzaileak araudi honetako artikulua guztiak onartzen ditu, eta konpromisoa hartu, zintzotasunez eta ohorez, irteera-unea errespetatuko duela eta ibilbide osoa egingo duela helmuga-lerroa zeharkatu baino lehen.